



ХАҢЫАТ
1937 СЫЛТАН
ТАХСАР

САХА РЕСПУБЛИКАТЫН НЬУРБА УЛУУХУН ХАҢЫАТА

НЬУРБА

12+

2015 сыл
Кулун тутар
21 күнэ
Субуота
22 №
(11359)

ТЭРИЙЭЭЧЧИЛЭР: СР Правительствота, Ньурба улуунун "Ньурба" ("Огни Нюрбы") хаһыат редакцията" автономнай тэрилтэ

— СӨ култууратын уонна духуобунай сайдыы министиэристибэтин күннэрэ —

Таһаарыылаах үлэ барарыгар үлэлэһиэбин

Кулун тутар ый 17-21 күннэригэр СӨ култууратын уонна духуобунай сайдыы министиэристибэтин күннэригэр Ньурба улуунугар араас таһымнаах тэрээһиннэр буола тураллар.



Култуура күнүн аһыы Олонхо духуобунай киинигэр "Үрүлүй, Үрүн илгэ!" кымыс иһитин сиэринэн-туомунан сабалланна. Салгыы быыстапка павильонугар СӨ искусствотун үтүөлээх деятелэ Иннокентьев Николай Николаевич анал быыстапкатын сүрэхтэниитэ буолла. Быыстапка үөрүүлээх аһыллыгыгар улуус дьаһалтатын баһылыга Попов Б.Н., СӨ култууратын уонна духуобунай сайдыы министиэриэ Тихонов В.И., САССР искусствотун үтүөлээх деятелэ Дьокуускайдаагы художественнай училище директора Гаврильев К.П., национальнай түмэл быыстапкалар саалатын сэбиэдиссэйэ Заровняева В.И., улуустаагы култуура управлениетын салайааччыта Степанова Л.Р. тыл эттилэр.

Дьүһүннүүр хуудоһунньук Ин-

ларыгар үөрэнэ киирбитим. 1966 с. училищени туйгун сыананан бүтэрбитим иһин, Ленинградка И.Е. Репин аатынан хуудоһунньуктар Академияларын институтугар салгыы үөрэттэрэ ыһпыттара. Хойутаан тийибит буолан, бастакы сылбар үөрэххэ кыайан киирбэтэҕим. Биир сыл Убайаан оскуолатыгар учууталлаабытым, Ньурба 1 №-дээх оскуолатыгар оҕолору самбоҕа дьарыктаабытым. Нөҥүө сылыгар Ленинградка бабарар идэбэр үөрэххэ киирбитим. Үөрэхпин бүтэриэхпиттэн Дьокуускайдаагы художественнай училищеҕа күн бүгүнгэ диэри үлэлибин.

Төрөөбүт дойдубар быыстапка тэрийэрбэр мин бастакы выпускнигым, художественнай училище директора Кирилл Петрович тылыгар киллэрэн, үлэлэрбин билиһиннэрэ, көрдөрө аҕаллым. Анал быыстапкабар кэлбит дьонго махталбын биллэрэбин. Кирилл Петровичтын Ньурбатаагы Искусство оскуолатыгар, төрөөбүт дойдубар Маалыкайга көрсүһүү, маастар-кылаас ытан, сүбэ-соргу биэриэхпит.

Төрөөбүт дойдубар быыстапка тэрийэрбэр мин бастакы выпускнигым, художественнай училище директора Кирилл Петрович тылыгар киллэрэн, үлэлэрбин билиһиннэрэ, көрдөрө аҕаллым. Анал быыстапкабар кэлбит дьонго махталбын биллэрэбин. Кирилл Петровичтын Ньурбатаагы Искусство оскуолатыгар, төрөөбүт дойдубар Маалыкайга көрсүһүү, маастар-кылаас ытан, сүбэ-соргу биэриэхпит.

Салгыы ыңгырыылаах ыалдьаттар СӨ Национальнай усуран музейын "Олонхо көмүс утахтара" ойуулуур-дьүһүннүүр быыстапканы көрдүлэр, санаа атастастылар. Киэһэ "Кыталык" култуура дьарыаһыгар СӨ култууратын уонна духуобунай сайдыы министиэристибэтин күннэрин үөрүүлээх аһыллыгыгар Ньурба улуунун баһылыга Попов Б.Н., СӨ култууратын уонна духуобунай сайдыы министиэриэ Тихонов В.И., Дьокуускайдаагы П.П.Романов аатынан художественнай училище директора Гаврильев К.П., Д.К.Сивцев-Суорун Омоллонов аатынан опера уонна балет судаарыстыбаннай театрын ди-



ректора Сюльской С.А., СӨ искусствотун үтүөлээх деятелэ, хуудоһунньук Иннокентьев Н.Н., СӨ суруйааччыларын Союһун чилиэнэ Васильев А.В., СӨ суруйааччыларын Союһун чилиэнэ Осипов И.И.-Уйбаан Ойуур, норуоттар икки ардыларынаагы суруйааччылар түмсүүлэрин чилиэнэ Томская Г.Е., СӨ култууратын профсоюзун бэрэссэдээтэлэ, СӨ үтүөлээх үлэһитэ Николаев Д.И. кыттыыны ылылар.

СӨ култууратын уонна духуобунай сайдыы министиэриэ Тихонов В.И. эбэрдэ тыл этэригэр өрөспүүбүлүкэ бастакы култуура министиэристибэтин күннэринэн саалаа мустубут дьону эбэрдэлээтэ. Духуобунас араас хайысхатын хабаан, култуура күннэрин киэн далааһыннаахтык ытыгыга ыңгырда. Култуура уонна духуобунай сайдыы көһө сылбар коллегиятыгар СӨ култуурата 2030 сылга диэри сайдар стратегиятын, оҕо музыкальнай оскуоалара 2020 сылга диэри концепциялара биэргэнэригэр тохтоото. Ньурба театра үбүлүйдээх 50 сылын чэр-

читинэн театр дьэитин тутуутун, народнай театры өрөспүүбүлүкэ статуһугар тийэ үрдэтигэр болпурос быһыытынан көрүлүөхтээгин эттэ. Түмүккэ бары бииргэ түмсэн бииргэ үлэлиир инники кэскилбитин түстүүр курдук үчүгэй таһаарыылаах үлэ барарыгар үлэлэһиэбин, доруобай туруктаах буолуобун диэн, баҕа санаатын тиргэтэ.

СӨ суруйааччыларын Союһун чилиэнэ Осипов И.И.-Уйбаан Ойуур суруйааччылар Союһуостарын, "Чолбон" сурунаал коллективин аатыттан култуура күннэринэн, Литература сылынан эбэрдэлээтэ.

Култуура министиэристибэтин күннэригэр анаан Ньурбатаагы "Сир симэхтэрэ" образцовай үңкүү ансамбла, СӨ биллиилээх опернай ырыаһыт Дьячковская А.В., Касаткин В.В., Г.М.Кривошапка аатынан СӨ Государственной филармонията, Үрдүкү музыкальнай оскуола студенттара кыттыылаах кэнсиэр буолла.

Антонина СЕМЕНОВА.

— Кылгастык —

Арассыыйа уонна Крым холбоһууларыгар аналаах

Кулун тутар 16-18 к.к. Дьокуускай к. уонна улуустарга Арассыыйа уонна Крым холбоһууларыгар аналаах тэрээһиннэр буолан аастылар. "Крым, Севастополь, добро пожаловать домой!" диэн оҕо уруһуйун акцията, үөрэх тэрилтэлэригэр "Мы вместе" кылаас чаастара, лекциялар, Ем. Ярославский аат. Саха судаарыстыбаннай музейыгар Крым Өрөспүүбүлүкэтигэр анаммыт быыстапка, СӨ Национальнай библиотекатыгар, көрбөттөр библиотекаларыгар кинигэ быыстапкалара, ааҕааччылары кытары көрсүһүүлэр, А.Е. Кулаковскай аат. норуоттар доҕордоһууларын дьэитин Национальнай гостинайыгар Арассыыйа уонна Крым холбоһууларын тиэмэтигэр уроок ытытыллылар.

Кыайыы болуоссатыгар, Геройкуорат Севастополь мемориальнай библиотэтигэр сибэксилэри уруу өрөгөйдөөх церемонията буолла. Дьокуускай к. болуоссаттарыгар, Севастопольскай уулуссатыгар "Георгиевская ленточка", ыччат акциялара, куорат уонча уулуссатын хабаан ытытыллыбыт автопробег элбэх кыттааччылаах бар-

дылар.

Ленин болуоссатыгар киэһэ 5 ч. бу историческай событыга анаммыт үөрүүлээх миитин, Бырабыыталыстыба иккис Дьэитин саалатыгар ыччаты уонна "i-Golova" интеллектуальнай эйгэ чэрчитинэн уопастыбаннай тэрилтэлэр бэрэстэбииттэллэрин кытары көрсүһүү сэргэхтик аастылар.

Кулун тутар 18-20 к.к. Сунтаар, Ньурба, Үөһээ-Бүлүү уонна Бүлүү үөрэнээччилэрин "Вечная память героям" региональнай научнай-практической конференцияны "Знание" уопастыба ССО тэрийдэ.

Арассыыйа уонна Крым холбоһууларыгар анаммыт тэрээһиннэр элбэх дьону түмэн тэрээһиннээхтик бардылар.

Нэһилиэнньэ дьарыктаах буолуутун Күнэ

СӨ предпринимательство Сылын чэрчитинэн кулун тутар 24 к. Маарга нэһилиэнньэ дьарыктаах буолуутун Күнэ ытытыллыа. Програмаҕа кондитерскай уонна кулинарнай онгоһуктар "Сааскы фантазия" аты-быыстапкалара, Марха куустатын - Үөдэй, Хангалас, Таркаайы, Акана, Хорула уонна Дьаархан нэһиликтэрин хамаандаларын икки ардыларыгар "Көр-

дөөх стартар", "Сфера моей деятельности - глазами фотообъектива" фотокуонкурус бааллар.

"Весна-2015" профилактикальыр операция

Ньурба улуунун баһылыга Б.Н. Попов бу дьыл кулун тутар 17 к. 343 №-дээх дьаһалынан кулун тутар 16 - ыам ыйын 31 к. улуус территориятыгар "Весна-2015" комплекснай-профилактической операция ытытылар. Бу тэрээһин бэрээдэги кэһии социальнай профилактикатыгар, уопастыбаннай бэрээдэги бөбөрүтүүгэ, олохтоох толорор былаас органнарын оруолларын уонна эппиэтинэстэрин үрдэтиигэ туһуланар.

"Весна-2015" операцияны ыытар штаб састааба биэргэннэ. Кини үлэтин улуус баһылыгы социальнай болпуруостарга солб. С.Б. Дондокова салайыаҕа.

Профилактикальыр операция түмүктэрэ бэс ыйын 4 к. сокуоннай саастарын туола илик оҕолор дьыалаларыгар уонна кинилэр бырааптарын көмүскээһингэ хамыһыһыа кэнэтиллибит муньаҕар анаалыстаныахтара.

Бэлэмнээтэ Раиса НИКИФОРОВА.

— Спорт —

Ситиһиилээхтик кытыннылар

Кулун тутар 12-15 кк. Хангалас улуунун Улахан Аан нэһилиэгэр СӨ үтүөлээх бырааһа, бокса бэтэрээнэ Иван Трофимов кэриэһингэр "Берто-ринг" диэн өрөспүүбүлүкэтээби учараттаах турнир буолла. Бу күрэхтэһии 1998 сылтан тэриллэр, быйыл 14-с төгүлүн ытытыллына. Саха сиригэр 10-тан тахса улуустарыттан, ол иһингэр Илин эңгэр улуустара бары бааллар, итинэннэ Өлүөхүмэттэн, Өймөкөөнтөн тийэ кэлэн, 187 эдэр боксер кытына. Сааһынан 3 бөлөххө күрэхтэстилэр.

Ньурбатаагы ДЮСШ Күндээдэҕэ филиалын тренерэ Алексеев Александр Прокопьевич 3 оҕону илдьэн кытыннарда. 28 кг ыйааһынга Лукинов Артур уонна 34 кг Сергеев Вася чөмпүйүөннээтилэр, 42 кг Дмитриев Саша 3 миэстэлэннэ. Мань таһынан Лукинов Артурга "Эдэр кэскиллээх боксер", Сергеев Васяҕа "Кыайыыга дьулуурун иһин" анал бириистэри туттардылар.

Улахан Аан бөдөн күрэхтэһиилэри тэрийэн ыытар нэһилиэк эбит, - диир Александр Прокопьевич. - Ааспыт өрөбүллэргэ Ньурба Антоновкатыгар буолуон иннинэ, Уулаах Аанга СӨ хайыһарга Кубогун IV этаба буолбут, 200-тэн тахса кини кыттыбыт. Аныгыскы нэдиэлэҕэ аны өрөспүүбүлүкэ волейболга күрэхтэһии-тэ буолуохтаах. Спорду улаханньык өрө тутар нэһилиэк эбит.

Биһиги бу күрэхтэһиигэ баран кыттарбытыгар күүс-көмө буолбуттарын иһин, "Вилыйавтор" ААУо гендириктэрэ С.В.Никифорова уонна спорткомитет бэрэссэдээтэлэ А.В.Горбатовка махталбытын тирэдибит.

Геннадий АНТОНОВ.

